

егемен
Азаттас

Жанболат Аупбаев. Марс пейзажы

Мұндай жерді Шығыс Қазақстандағы Қыынкеріш аңғарынан көруге болады



Аудан орталығы – Күршімді өзен паромы жағынан кесіп өткен соң алдан ұшы қиыры жоқ жазық басталады. Сонымен 80 шақырымдай жол жүріп, Марқакөл жақтағы сенгір таулар мұнартқан шығысқа бет алғанда, көк жүзіндегі құн сәулесімен жарқ-жұрқ етіп, алқызыл алауға малынған адыр меммұндалайды. Жақындал келіп байқаған жанға ол өзіміз теледидардан көріп жүрген Шарын шатқалынан аумайды. Иә, оны құдды сол массив – шұраттың кішірейтілген макеті, үлгісі дерсіз тіпті. – Қыынкеріш аңғары, міне, осы, – деді бізді мұнда бастап келген Күршім аудандық мәдениет және тілдерді дамыту бөлімінің басшысы Бақытхан Өлмесеков. – Бұл жердің ертеректегі атауы Шарықсай еken. Кейін жыл мезгілдеріндегі лайсаңнан азап шеккен жұрт оны Қыынкеріш деп кетіпті. Мәселе, мұндағы, яғни, беткейдегі құм араласқан қызылқоңыр қырышықтарда емес. Гәп сайдағы төбелер етегін жиектеп өтетін соққаптардағы жаңбыр жауса бітті, миы езіліп шыға келетін ак топырақты бұралан жолдарда. Осы маңдағы аттылы, арбалы ауыл тұрғындары көктем, күз келсе-ак, сондағы желімдей жабысқан батпақ пен балшықтан берекесі кетіп, зәрезап болады да жатады. Сондықтан да ел арлы-берлі жүрген кездегі әуре-сарсаңы мол бұл аймақты Қыынкеріш атап кеткен. Осы сөздерді айтқан жолбасшымыз өзіміз әңгіме арқауына айналдырған жерге жете бергенімізде: «Аңғардың жалпы көрінісін мына шоқыдан қараңыздар», – деп шығыс жақтағы дөңге алып шықты. Міне, ғажап! Көз алдымызда қып-қызыл құм, қонырқүрен тас қырышықтарына толы өзгеше бір әлем жатыр. Олардың арасындағы ак, сары, сұр керіш топырақты адырларда нендей белгі, мұсін жоқ дейсіз!.. Ескі қорған бейнесіндегі жақпартастар, пирамида мен қарауыл мұнараларын көзге елестететін төбелер, жантайып жатқан дұлығалы батыр кейпіндегі белдер мен саңырауқұлақ секілді секітастар..., бәрі-бәрі бар. Олар адам қолымен емес, өкпек жел, долы дауыл, ак жаңбыр мұжіген табиғат күші арқылы жасалған туындылар. Бірте-бірте байқадық, Қыынкеріш кереметі мұнымен бітпейді еken. Табиғат салған жоғарыдағы суреттер біз көрген ғажайыптардың басығана сияқты. Олай дейтініміз, таңдаңыс тудыратын келесі бір нәрсе, ол бұл өнірдің құн батардағы ешбір жерде жоқ қайталаңбас көрінісі дер едік. Оны біз мына жағдайдан байқадық. Құн көкжиекке қарай енкейгенде оның алтын шапақ сәулелері қызыл, сары, ак тасты төбелерді жалт-жұлт еткен үшқындармен орады да таstadtы. Осының әсерінен біз бақылап тұрған ойпат пен беткейдегі құмды керіш топырақтар қызылқүрен түске енді де алдымыздағы адырлар алаула-

ған отты әлемге айналды да кетті. Жалындан тұрған бұл жерге кешкүрим уақытта аспаннан жүлдіздар жауып, көкке қайта ұшып бара жатқандай да әсер қалдырады. Бір сөзбен айтқанда, мұндағы жер де, төңірек пен кеңістік те жосаға боялғандай қызылқоңыр болып тұрды да қойды. Осы көрінісінде ол Марс планетасы, ондағы соған ғана тән ғаламшарлық қызылқулғін рельеф фонынан еш аумайды-ау, аумайды! Тоқетерін айтқанда, фантастикалық құбылысқа бөленіп тұрған бұл жерді аралай бастаған сэтте өзінді бейнебір басқа әлемге кіріп кеткендей сезінетінің анық. Немесе тұс көріп, ертегілер елінде жүргендей боласың. – Бұл не? Қыынкеріштегі табанымыз тиіп тұрған мына топырақ қыртыстары қандай қоспалардан құралған? Ол құн сәулесі көлбеу түскенде неліктен тұрлі түске енеді? Мұнда келіп, табиғаттың өзіміз сөз етіп отырған осы тылсым, түсініксіз жағдайын көрген, оған қуәгер болған ғылым өкілдері бар ма? Бар болса олар жоғарыдағыдан құбылысқа нендей уәж айтады? – Өскемендеңі өлкетану музейінде, – деді жоғарыдағы сұрактарымызға бізben бірге еріп жүрген жігіттердің бірі, жазушы Нұржан Қуантайұлы, – Қыынкеріш аңғарына арналған стенд бар. Сондағы биология ғылымдарының докторы Виктор Ерофеевтің деректеріне қарағанда, бұл аймақ миллиондаған жылдар бұрын осындағы теңіздер мен көлдердің түбінде жатқан. Ондағы айдын шалқар сулар уақыт өте келе тартылып, сазды, батпақты, одан құрғак өнірге айнала бастағанда, тұрлі минералдық қоспадан тұратын шөгінді жыныстар бірте-бірте Зайсан қазаншұңқыры деп аталатын жер қыртыстарының неше тұрлі қабаттарын құраған. Геологтар бұл құбылыстың әсіресе, бор дәүірі деп аталған кезеңдегі сол массивке кіретін Қыынкеріште өте айқын байқалғанын ерекше атап айтқан. Бұл – бір. Екінші, өзіміз сөз етіп отырған сайдың топырағы неге құйген құм секілді қызылқүрең дегенге келсек, ғалым Юрий Зинченко оған мынадай болжам айтады. Бағзы заманда бұл жерде кішігірім жанартау атқылаған болуы мүмкін. Соның салдарынан мұндағы тас пен топырақ отқа оранып, қып-қызыл кейіпке енген. Сөйтіп, ол табиғат стихиясы Қыынкеріштің қазіргі Марс планетасының пейзажына ұқсас бет-бейнесін жасап кеткен. Әңгіме иесінің осы сөздерін тыңдай отырып, төмендегі сайға қарай бет алдық. Ойымыз – құм төбешіктердегі өсімдік тұрларін көру және жарқабактардағы жер қыртыстарын байқау. Осылармен танысып жүріп, өзіндік ерекшелікке ие екі-үш нәрсені байқап қалғандай да болдық. Оның алғашқысы көктемгі қар сұы орып кеткен жыралардың ішіндегі аксүйек бол жатқан әртүрлі омыртқалы жануарлардың қанқалары. Одан кейін көзімізге түскені – аңғардағы тастарға жабыса қатып қалған тұрлі ағаш жапырақтары. Сондай-ақ, осы арада өзіміз табанымызбен басып келе жатқан қызғылт құмның үстінде адам ізінін қалмайтындығын да айта кетейік. Бұған осы керіштің өзіне су сіндірмейтін ерекшелігін, қонақалық шатыр үшін қағылған қазықтың 5 сантиметрден кейін-ақ дынылдап тастай қатып қалатын қасиетін қосайық. Әрине, мұның бәріне сол сэтте, яғни аңғарды аралап жүргенде жауап таба алмаганымыз анық. Ертесінде Өскеменге келген соң осындағы тарихи-өлкетану музейіндегі мамандармен пікір алысқанымызда, олар төмендегідей ғылыми пайымдаулардан хабардар етті. Көлемі 300 гектар жерді қамтитын Қыынкеріш аумағы геолог Виктор Филипповтың зерттеуіне қарағанда, ежелгі заман өсімдіктерінің 5 флоралық және омыртқалылардың 4 фауналық қабатынан тұрады еken. Сай ішіндегі біз көрген тасқа жабысып қатып қалған жапырақ іздері мен белгісіз омыртқалы жануарлар сүйектері сол палеонтологиялық және геоморфологиялық табиғат ескерткішінің белгісі болып шықты. Ал құмды керіштің Марс планетасы рельефиңе ұқсас қызылқулғін тұсі мен басқа да ерекшеліктеріне келсек, оларға әзірге жауап жоқ. Мамандардың айтатын уәждері осы мақаламыздың басында келтірген есте жоқ ескі замандағы табиғат стихиясынан қалған өзгеріс ізі емес пе еken деген болжам. Музей қызметкерлерімен кездесуіздегі әңгіме сонында олардан мына жағдайды да естіп білдік. Кейінгі кезде шет ел мен Ресейден Қыынкеріш аңғарын көріп, тамашалауға келетін адамдар қарасы көбейіпті. Әсіресе, көрші елдегі Мурманск, Нарьян Мар, Кемеров, Барнаул қалаларының тұрғындары толастамауда дейді олар. Солтүстік пен Тундра және Сібірдегі ұзақ қысташ мезі болып, мегаполис қалалардың еңсөні басқан ауыр тірлігінен, шуылынан шаршаған жандар біз сөз еткен аңғардағы ашық аспан аясында шатырларын

тігіп, апталап жатады екен. Осыдан екі жыл бұрын аталмыш өнірде Жапониядан келген саяхатшылар да 15 күн аялдап, Қыынкеріштің құпиясын білуге біраз әрекет жасапты. Ал Голландиядан ат арытып жеткен табиғат қорғау департаментінің натуралистері болса, қазақ жеріндегі келбеті сан құбылған осы бір аймақтың көрінісіне көздерін жұмып, ауыздарын аша таңдай қақкан. Және бұл таңданыстарын жасырмай, өз әсерлерін бас бармақпен бағалап та кеткен. Ал біз... Иә, өзіміз болсақ, мұндай жерге бармақ түгілі, қайда екенін көп біле де бермейміз. Еңжармыз. Құлықсызбыз. Еліміздегі ондай ғажайып, көркем, құпиясы мол жерге: «Бұл өзі осылай болған, себебі, бізде ол осылай болуы тиіс», – деген тоқмейіл көзқараспен қараймыз да қоямыз. Өкінішті-ақ...

Жанболат АУПБАЕВ, «Егемен Қазақстан»

Шығыс Қазақстан облысы, Құршім ауданы